



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrosancti Nominis Iesv Cvltvs Et Miracvla

Stengel, Carl

Augustae Vindellicorum, 1613

De S. Ioanne Euangelista speciali cultore nominis Iesv. Cap. 25.

[urn:nbn:de:hbz:466:1-49813](https://nbn-resolving.org/urn:nbn:de:hbz:466:1-49813)



DE S. IOANNE EVANGELI-
STA SPECIALI CVLTURE NO-
NIS IESV.

CAPVT XXV.

Ed nunc ij explicandi sunt, qui specialius præ cete-
ris sacratissimi nominis IESV cultu præcelluerunt.
Inter quos meritò primatum tenet S. Ioannes dilectus
Christi discipulus, qui hoc nomen IESV in singulis
propè versiculis quum de Christo agit, apponit: & in
suo Euangelio plusquam ducenties vices IESVM re-
petit. Hic etiam dilectus Christi discipulus præ ceteris
Euange istis perfectius descripsit titulum & inscriptio-
nem Crucis eius, sic scribens: *Erat autem scriptum:*
IESVS NAZARENVS REX IVDÆORVM. Qui ti-
tulus nomen, patriam, causam necis exponit: nomen,
IESVS est, patria, NAZARENVS: sic enim ab omni-
bus appellabatur; causa, REX IVDÆORVM, hanc
solam ceteri Euangelistæ narrârunt; at Ioannes titu-
lum integrum descripsit, qualis nunc habetur Romæ
in Ecclesiâ sanctæ Crucis, quamuis sit ex parte vetusta-
te exesus. Scriptus autem erat Hebraicè, Græcè & La-
tinè, non quidem partim Hebraicè, partim Græcè,
partim Latinè, sed totus titulus integer tribus idioma-
tis fuit scriptus, vt legi facilè à quam plurimis posset,
illo enim tempore maxima multitudo etiam externo-
rum Hierusalem conuenerat. cum enim mors hæc præ
omnium salute esset, & omni linguæ, & nationi prædi-
canda,

Præ om-
nibus E-
uangeli-
stis Ioan-
nes IESV
nomen
sæpius
expressit.

Cur Pila-
tus Regē
Iudæorū
Christū
inscribe-
rit.
Chryf. ho.
84.

Notanda
quædam
in Euan-
gelio Io-
annis.

canda, magno mysterio communi titulo omnibus le-
gendus est propositus. Chrysoſtomus duas adfert cau-
ſas, cur *Regem Iudæorum* ſcripſerit; Prior eſt, vt Chri-
ſtum excuſaret; crucifixus enim cum eſſet cum latroni-
bus, facile ſcleratus, & ſimilis à vulgo, quod tunc e-
rat Hieroſolymis copioſiſſimum reputaretur, & turpis
mortis notā inureretur, idcirco titulo inſcripſit, *Re-*
gem Iudæorum. Altera eſt, vt Iudæos vlciferetur: erat
enim propter ipſorum pertinaciam eis inſenſus, pro-
pterea ignominia hæc eos afficere voluit, qui ſuum Re-
gem crucifixierint. Ignominia enim populi eſt tam tur-
pis & ignominioſa mors Regis. Hæc eſt Auguſtini *in*
expoſit. Pſal. 56. & eſt accommodatior confirmans ex-
poſitiones dari ſolitas in verbis illis: *Ecce Rex Veſter, &*
Regem Veſtrum crucifixam? & *Rex es tu?* non ſolum au-
tem ignominia notam inurere Pilatus voluit populo,
ſed ſimul innocentiam, quam lauans manus conſeſſus
erat, ſcripto etiam manifeſtare. Crucifixum enim Re-
gem verum, magnamque eius innocentia inſuriam il-
latam propter populi furorem ſignificauit. Non poſ-
ſum hic tacere ſingulare aliquid, & notatu dignum in
Euangelio B. Ioannis; qui præterquam quod copio-
ſius ceteris Euangelis diuinitatem Saluatoris tracta-
uit, vnam etiam ſingularem obſeruat in quibusdam ſu-
is Euangelis conditionem, quod ſcilicet res tantâ cum
particularitate, cum omnibus ſuis circumſtantiis &
conditionibus ad eas pertinentibus hominum oculis
ſubijcit, vt ſi Ethnicus aut infidelis eas legeret, iuraret
illas veraces eſſe historias. Vt enim prætermittâ Euan-
gelia de Reſurrectione Saluatoris, quam quaſi in tabu-
la depictam exprimit, videatur historia cæci nati, cum
illâ inſtantia, & perplexis Phariſæorum interrogatio-
nibus, quæ ibi commemorantur, atque inde intelli-
gitur quid dicam. Dilucidius idipſum etiam conſpicitur
in historia reſurrectionis Lazari, in quâ tot circum-
ſtantiæ, tot inter diuerſos colloquia referuntur, ante-
quam

quam ad miraculum peruenitur, vt homo quicumque candidus & sincerus, etiam si Christianus non sit, si legerit, constanter affirmet, fieri non posse, vt piscator indoctus, qualis erat Ioannes, id omne finxerit. nisi processus ipsius negotij dux eius fuisset, & ipsum docuisset, quod hoc loco commemorat. Ad me quod attinet, fateor, si Philosophus essem Ethnicus, & hanc historiam legerem, essem eiusdem iudicij & opinionis. Idem credo & alios homines mecum dicturos, si attentè legerint, & singula bene considerauerint, quæ ibi narrantur; deinde ab omni affectu liberi iudicent.

Idem S. Ioannes. peccata in nomine IESV remitti, scribit his verbis: *Scribo vobis filioli, quoniam remittuntur vobis peccata propter NOMEN eius.* S. Ioannis erga SS. IESV nomen affectum perquam venustè exprellit carmine Hieronymus Vida poeta nequaquam contemnendus.

1. Ioan. 3.

Vsq; animo tibi fixus erat, tibi dulcis imago

Ante oculos, blandum obseruari NOMEN ad aures,

Quo superi catus, atque omnis curia cali

Audito latantur, & infera regna tremiscunt.

Illum per nemora, & siluas, perq; alta canebas

Littora, & in solis per noctem montibus ibas.

Reddebant Valles tibi IESON, vndique IESON

Saxa resultabant; iterabant omnia IESON.

Non possum mihi temperare, quin huc transferam, quæ deuotissimus ille Pater F. Thomas à Kempis, amator & ipse, ac venerator huius sacrosancti nominis singularis, capite septimo & octauo libri secundi de Imitatione Christi, de amore IESV super omnia, & familiaris eius amicitia scripsit, in gratiam omnium, IESVM verè amare cupientium.

Beatus qui intelligit, quid sit amare IESVM, & contemnere seipsum, propter IESVM. Oportet dilectum pro dilecto relinquere, quia IESVS vult solus super omnia amari. Dilectio creatura fallax & instabilis: dilectio IESV, fidelis &

In Hymno

D. Ioan.

Apost.

Additio

ex Thom.

de Kēpis

lib. 2 c. 7

& 8. de i-

mit. Chri-

sti.

perseuerabilis. Qui adharet creatura, cadet cum labili, qui amplectitur IESVM, firmabitur in aeuum. Illum dilige, & amicum tene tibi, qui omnibus recedentibus, te non derelinquet, nec patietur in fine perire. Ab hominibus oportet te aliquando separari, siue velis, siue nolis. Teneas te apud IESVM viuens & mortens, & illius fidelitati te committe, qui omnibus deficientibus solus potest te iuuare. Dilectus tuus talis est natura, & alienum non velit admittere, sed solus vult cor tuum habere, & tanquam rex in proprio throno sedere. Si scires te bene ab omni creatura euacuare, IESVS deberet libenter tecum habitare. Pene totum perditum inuenies, quicquid extra IESVM in hominibus posueris. Non confidas, nec innitaris super calamum ventosum, quia omnis caro fanum, & omnis gloria eius, & flos fani cadet. Cito decipieris, si ad externam hominum apparentiam tantum aspexeris. Si enim tuum in alijs quaris solatium & lucrum, senties saepe detrimentum. Si quaris in omnibus IESVM, inuenies vtiq; IESVM. Si autem quaris teipsum, inuenies etiam teipsum, sed ad tuam perniciem. Plus enim homo nocet sibi, si IESVM non quarit, quam totus mundus, & omnes sui aduersarij.

Quando IESVS adest, totum bonum est, nec quicquam difficile videtur. Quando vero IESVS non adest, totum durum est. Quando IESVS intus non loquitur, consolatio vilis est. Si autem IESVS vnum tantum verbum loquitur, magna consolatio sentitur. Nonne Maria Magdalena statim surrexit de loco, in quo fleuit, quando Martha illi dixit: Magister adest, & vocat te? Felix hora, quando IESVS vocat de lachrymis ad gaudium spiritus. Quam aridus, & durus es sine IESV: quam insipiens & vanus, si cupis aliquid extra IESVM. Nonne hoc est maius damnum, quam si totum perderes mundum? Quid potest mundus conferre sine IESV? esse sine IESV, grauis est infernus, & esse cum IESV dulcis paradysus. Si fuerit tecum IESVS, nullus poterit nocere inimicus. Qui inuenit IESVM, inuenit thesaurum bonum, imò bonum super omne bonum. Et

qui

qui perdit IESVM, perdit nimis multum, & plus, quam totum mundum. Pauperrimus est, qui viuit sine IESV: ditissimus, qui bene est cum IESV. Magna ars est, scire conuersari cum IESV; & scire IESVM tenere, magna prudentia. Esto humilis & pacificus, & erit tecum IESVS. Sis deuotus & quietus, & permanebit tecum IESVS. Potes cito fugare IESVM, & gratiam eius perdere, si uolueris ad exteriora declinare. Et si illum effugaueris, & perdideris, ad quem tunc fugies, & quem tunc quares amicum? Sine amico, non potes diu uiuere, & si IESVS non fuerit tibi pra omnibus amicus, eris nimis tristis & desolatus. Fatue igitur agis, si in aliquo altero confidis & letaris. Eligendum est magis, totum habere contrarium, quam IESVM offensum. Ex omnibus ergo charis, sit IESVS dilectus specialis. Diligantur omnes propter IESVM, IESVS autem, propter seipsum. Solus IESVS Christus singulariter est amandus, qui solus bonus & fidelis inuenitur pra omnibus amicis. Propter ipsum, & in ipso, tam amici, quam inimici sint tibi chari, & pro omnibus his exorandus est, ut omnes ipsum cognoscant & diligant. Nunquam cupias singulariter laudari & amari, quia hoc solius Dei est, qui similem sibi non habet. Nec uelis, quod aliquis in corde suo tecum occupetur, neque tu cum alicuius occuperis amore, sed sit IESVS in te, & in omni bono homine. Esto purus & liber ab intus, sine alicuius creatura implicamento. Oportet te esse mundum, & purum cor ad IESVM gerere, si uis uacare & uidere, quam suavis est Dominus. Et reuera, ad hoc non peruenies, nisi gratia eius fueris prauentus & attractus, ut omnibus euacuatus & licentiatus, solus cum Deo solo ueniaris. Quando enim gratia Dei uenit ad hominem, tunc potens fit ad omnia; & quando recedit, tunc pauper & infirmus erit, & quasi tantum ad flagella relictus. In his non debes deijci, nec desperare, sed ad uoluntate Dei equanimiter stare, & cuncta superuenientia tibi, ad laudem IESV Christi perpeti: quia post hyemem sequitur aestas; post nocte redit dies; & post tepestatē serenitas magna.